

郭介梅先生著

杯渡齋文集

葉恭綽題



德行
卷四

歡 迎 印 施

郭君介梅·博通經史·現居士

身·發大乘願·欲

覺岸·特編此書

爲離苦求樂

聖之飛機也

各界長者居

廣流通·庶人

善·其爲功德

上海國

民國二十二年五月初版二千部
民國二十四年五月續版四千部

▲杯渡齋文集 全四冊▼

鑒定者 編輯者 校對者
印光老法師
鹽城郭介梅
阜寧丁健康

當塗庚樹泉
沔陽金冰潔

宏善書局
福建廈門大同路一百零五號

北平佛化居士會
直西門外西關博物院路九十二號

上海貝勒路
中國放生會

任印善書文誼會
江蘇鹽城北街崔源順布號

國光印書局
上海新大沽路丁四〇號
電話 三三七四三號

贈閱處
藏版兼
印刷處

德行篇題詞

地方水利濬開通。有口皆碑道路中。職任農生謀富厚。捐籌粥賑濟貧窮。昌明聖教興支會。宏揚佛化修淨功。尤幸育才立學校。三千子弟被春風。葉楚清拜題

德行篇序

人必先有德行而後有文章。舍德行而言文章。皆糟粕也。論文章而根德行。猶日月也。易蒙象辭曰。君子以果行育德。蒙內爲坎。外爲艮。說卦傳云。坎再索而得男。故謂之中男。離再索而得女。故謂之中女。艮三索而得男。故謂之少男。兌三索而得女。故謂之少女。坎艮合爲蒙。德之基也。至離兌合。則其象爲革。所謂水火相息。有文炳文蔚之象。更得生息之義。家人象曰。女正位乎內。男正位乎外。男女正。天地之大義也。正家而天下定矣。是故君子言有物而行有恆。竊嘗持此義以衡量天下士。所謂有物有恆者。戛戛乎難其人矣。無惑乎舉世洵洵。將淪於禽獸之域也。庚午。余權篆鹽漬。得郭介梅居士與之遊。肫然怡然。操行芳潔。以樂善覺世爲己責。出所著杯渡集

示余集分四種。以德行殿編末。並囑余爲序。編中多采輯古今男女有道德可風者。以正人心。以礪末俗。以存人道於幾希。凡一切孝友政治宗教諸大端。胥以是爲權輿焉。養正聖功之時義大矣哉。郭居士殆深明易象而有物有恆者乎。讀斯集者。勿第賞其文辭。必先察其根柢。斯不負發蒙救世之苦心已。

歲次辛未重九後十日杜 煒謹序

杯渡齋文集德行篇卷四

印光老法師鑑定

鹽城皈依弟子郭介梅編輯

敬師重道

子弟從師讀書。一生成敗攸關。東家優待先生。當如恭敬神明。古禮。送子入學。東家必向先生叩首。平素家中有事。其尊客雖多。必延師於上座。朔望造帳請安。分節致送禮物。凡若此者。示以敬也。設學生回家。泣訴師責不公等語。家長固不宜聽。仍當責之送校。鄉民不知敬師重道。師嚴道尊。每因護短嬌慣。致兒童終身目不識丁。此豈愛子之道乎。然有子弟性雖聰敏。不受先生教訓。何由成器。束脩按節早奉。送關不可或遲。若存待慢之心。子無進德之望矣。

惜字崇聖

師者教訓學生。所謂傳道授業。培植人材。以安國家者也。當念學童求師於我。則終身成敗榮辱。俱在我之教導有方與否。如不盡心講學。其誤人子弟。直與庸醫殺人

相等也。昔有一師某年六十外。語妻曰。我雖未得發達。幸一生美館。得以成家立業。夜夢亡父責曰。汝本科第中人。只緣處館曠職。文昌削去桂籍。尙自誇口耶。出感應篇圖註

學校教員。每每一人而代數處功課。甚至爲人作狀詞。問閒事。其誤徒之咎。不更大於某師乎。學校內外。字紙滿地。灰堆廁所。多所拋棄。學生便溺。師亦不禁。似此不尊聖蹟。而濫居師位。實士林之罪人。宋王沂公父。見字遺棄。必拾之。有汙穢者。以香水洗之而焚。一夕夢宣聖撫其背曰。汝敬我教。惜汝已老。當遣曾參來生汝家。晚年生子。因名曾。亦輪迴之證據後爲宰相。出宋史王沂公本傳及惜字叢編揆賤污文字。皆謂無傷道德。而王公獲此顯報。非尊重聖蹟之感乎。金陵觀音廟。二六九月。香客雲集。拋棄裹香字紙。信足踐踏。皖人孫友梅。禱母病。夢大士告曰。燒香者多欲祈福。若棄字紙。反多造罪。汝可傳諭衆人。敬惜字紙。友梅醒以語人。抵家母病愈。出惜字編可見惜字。亦爲佛菩薩所重焉。可縱徒污踐乎。蓋師也者。模人之不模。範人之不範。言行動靜。悉爲人所瞻仰。要爲後世法則。推而言之。小則關乎一鄉之治安。大則可爲全國之成材。若已學未

成焉能成人。己學未成。誤我一人。其罪微。自誤因以誤人。貽禍天下後世。其罪峻。然則師擔講學之任。其關係亦重矣哉。

講學威儀

訓徒放縱不嚴。學者必無誠意。故孟子曰。規矩方圓之至也。聖人人倫之至也。不以規矩。不能成方圓。不以禮讓。不能重人倫。教學先孝悌而後文藝。先品行而後才智。若於孝悌有虧。雖才華蓋世。不足爲貴也。郭林宗講學授經。人尊經師。宗果性悍。賴以化爲廉吏。賈淑險惡。賴以化爲善士。他如茅容之成德。孟敏之知名。皆林宗善於教化之所致也。出後漢書郭泰傳王十朋爲建王府教授。先是教授入講堂。居賓位。十朋不可。皇孫加禮位之中坐。凡歷四郡。賢者以禮致之。會諸生講經。有不善者。反覆告戒。俾自新。訟者至庭。溫辭曉以理義。多退聽者。所至人繪而祠之。去之日。老稚攀留涕泣。饒久旱入境。雨至。湖積霖。入境卽霽。有禱必應。其至誠不獨感人。而亦動天地鬼神。拜龍圖學士。卒諡忠文。子聞詩。聞禮。皆篤學自立。出宋史王十朋傳孰謂以善教人而無

福報耶。經言。師道立則善人多。因知善人不多。由於師道之未明也。若爲師者。道德高尚。嚴之以禮。教之以善。學者而不誠心信嚮。未之有也。

教育規模

讀書非師勤於講說。聖道固無以昌明。學者亦難於開悟。師上講堂。凡徒讀過講過之書。令其向自家身上體貼。便問此章此句。與汝相干不相干。能學不能學。仍將可法可戒者。說三兩條。使其省惕。他日違犯。卽以所讀之書責之。令其改易。庶幾有益身心。切須以身作則。必使學者正心術。修孝悌。重廉恥。整威儀。以立教育之本。守教法。分句讀。明訓解。考功課。以盡訓徒之職也。安定先生胡瑗。爲蘇湖二州教授。嚴條約。以身先之。雖大暑。必公服見諸生。嚴師弟子之禮。解經至有要義。懇懇爲諸生言。其所以治己而後治人者。學徒千數。日月刮剗。後爲太學。四方歸之。其子弟散在各處。皆循循雅飭。其言談舉止。不問可知。爲先生弟子也。出宋史胡瑗傳甚矣。胡公之教。入人者深。所及者廣。如是之師。不可多得。若夫今之塾師。甫就西席。卽討學金。東家稍不

盡禮。悻然怒形於面。而生徒學業。反若置之度外。讀胡公傳。能不愧汗。然而徒汗無益。不如學之。徒省齋有硯田換骨金丹一書。痛懲師道之不明。歷舉古今爲師得失。善惡之報應。喚醒癡愚。崇本抑末。普願明師印送流傳。有益於國家之學校。與夫天下之人心風俗也。

虛心勤問

學生從師。貴在尊敬。若不尊敬。則道高德盛之師。必不願蒞其席。師如品行濫賤。學者亦無誠意。師惰學怠。終屬浮文。聖賢所以教人爲學。使之講明義理。以修其身。然後推己及人。實行書中之事。非欲其徒務記覽。爲詞章。以釣聲名。取利祿而已也。如以稍知幾句英文。便會言狂語大。自謂無所不通。最是招禍招忌之由。各宜深戒。縱有八斗之才。五車之學。所行不能合乎聖教。只算是個書癡。於世何補。在校讀書。凡有疑點。卽須躬求校長指示。切莫妄自爲知。貽誤一生。以大舜之聖。而好問。察邇言。仲尼萬世師表。猶詢官名於郯子。問禮於老聃。且稱項橐七歲童子爲師。其虛心謙

敬如此。對於同學。切勿驕傲。游居有常。必就有德。見善樂從。聞義則服。師有所教。溫恭自虛。窮盡其理。而無餘蘊。若稍不滿意。卽慫同學。闔堂大譟。是爲興妖作怪。非求學人之所當爲也。退習之暇。各就其友。相切相磋。精益求精。相觀而善。其學日進。而不自知。此皆弟子求學之綱紀。幸勿河漢斯言。

謹受師訓

生我者父母也。教我者師尊也。生之以養。教之以道。二者同功。故子弟事師。如事嚴父。行隨於後。坐立於旁。路遇。正立拱手。言談。側耳靜聽。貧困富貴。而不易志。吉凶禍福。應與之同。若因顯達。而忘教澤。卽是負恩小人。汪會道。性穎悟。八歲能文。然事師傅。則傲慢異常。略拂其意。卽背師怒詈。一日獨坐書齋。忽呵欠。口中躍出一鬼。指道曰。汝本大魁天下。因恚怒師傅。上帝削去祿籍。吾亦從此去矣。言訖不見。尋翻故篇。茫然不識一字。出明史凡師所教。皆當朝益暮習。和氣信受。恚怒與師何損。只是自削其福耳。魏昭事師郭泰。泰嘗有疾。命昭作粥。粥成進之。泰大呵曰。爲長者作粥。不加

意敬事使不可食。昭更爲粥復進。又呵之者再。昭仍容色不變。泰曰。吾始見子之面。今而後知子之心矣。出後漢書游酢。楊時。同師程頤。一日進見。頤偶瞑坐。二生侍立。頤既覺。門外雪深尺許矣。毫無惰容。執恭愈謹。遂傳二生濂洛之學。觀數子皆以尊師如父。其學始成。至若彭汝礪。師倪天隱。禮事極恭。後倪夫婦俱死。無子。礪爲葬之。又爲嫁其女於進士宋渙。宋史古人篤於師生之誼。何等竭誠盡敬。然以教訓恩深。生則禮嚴。一世死則追祭三年。生徒若此。庶爲報德。

爲利忘身可歎

史記貨殖傳曰。天下熙熙。皆爲利來。天下攘攘。皆爲利往。處此五濁惡世。不離八苦煎心。有智慧者。當求出世。不貪世間虛榮也。昔哀公問孔子曰。寡人聞有忘之甚者。徙而忘其妻。子曰。桀紂乃忘其身。若以道眼觀之。今人皆忘其身者。見孔子家語今人皆忘其身者一語。可作不知修行之頂門鍼。人人皆知饑思食。渴思飲。夏暖冬寒。四季預思衣服。春種秋收。一年預思倉箱。出門預思旅地。歸家預思行程。然此所預所思。

多分作不得主。如預春種秋收。而年荒顆粒難穫。如預歸家行程。或被風雨阻隔。豈能如我所願所思乎。日用衣穀。預思既切。而此身死後歸於何地。不爲預思設備。獨何歟。涅槃云。得人身者。如爪上土。三惡道身。如大地土。一失人身。萬劫難復。百年富貴。轉眼成空。爲名爲利。忙去忙來。而無常一到。隨業受生。遂將此身送入惡趣。未嘗預思自救。此非不知修行者。皆忘其身乎。若知佛法。布施修福。念佛求生淨土。報滿之後。往生蓮邦。長享快樂。永脫輪迴。較之居此妄預妄思。何止高超萬億倍耶。其勸同志。速修淨業。卽是預備死後往生淨土之資糧。亦卽滅除忘身之大愉快事。

命在呼吸

帝堯觀乎華。華封人祝曰。使聖人壽。堯曰辭。使聖人富。堯曰辭。使聖人多男子。堯曰辭。封人曰。富壽多男。人之所欲。汝獨不欲。何耶。堯曰。多男子則多懼。富則多事。壽則多辱。是三者非所以養德也。出莊子堯之心明如水。故視福壽亦等空花。無智者不慮人命無常。多謂年未五十。不能修持。深以兒女手續未了爲憂也。佛問沙門。人命在

幾何間。對曰：數日間。佛言：子未知道。復問：一沙門。對曰：飲食間。佛言：子未知道。復問：一沙門。對曰：呼吸間。佛言：善哉。子知道矣。見四十二章經此身是殼，一氣不來，性隨業往。三惡險道，苦報無窮。壽命在呼吸以上，光陰無時刻再留。死期一至，半刻不能挽住。豈可預定五十方修乎？子多由於業多，財大翻成禍大。認身家太真，眷屬太重，即賢智能輕功名，安貧賤。至於兒女，則斷斷擺脫不去，甘心牛馬之苦。此爲程鸞勸窮民大聲疾呼之要文也。况且修行念佛，與了兒女手續何礙？人於少壯，看經念佛，作善奔走，一切便利。修行愈好老大徒自悲傷，修持亦覺費力，不肯及早回省，未免憚於改過。賈生惜誓黃鵠，後時而寄處兮，鷗鵠羣而制之。喻年邁形衰，恐有後時之誤。黃鵠猶然，修行者可不奮勉。

斷疑起信

諸佛經道，難得難聞。淨土非遠，有願即生。孔子曰：仁遠乎哉？我欲仁，斯仁至矣。仁心之全德，非在外也。放而不求，故以爲遠。反而求之，道即在是。大乘止觀云：無始已來，

雖爲無明染法所覆。而信佛尊法。實爲可取。惟凡疑未除。難稱正信。以彌陀經云。六
方諸佛。各於其國。出廣長舌相。徧覆三千大千世界。說誠實言。稱讚彌陀。世人見淺。
疑佛舌頭太大。恐其不實。按宋史載。文同操韻高潔。知湖州一年。尋至陳州宛邱驛。
忽留不行。沐浴衣冠。正坐而卒。崔公度嘗同爲館職。見同京南。將別。曰。明日復來乎。
公度明日往。同左右顧。恐有聽者。乃曰。吾聞人不妄語者。舌可過鼻。卽吐其舌。三疊
之。如餅狀。引至眉間。公度大驚。及京中傳同死。乃悟所見非生者。出文苑傳文同一世不
妄語。舌出能至眉際。諸佛歷千萬劫。不妄語。則舌出能徧三千大千世界。不亦宜乎。
佛言。從是西方。過十萬億佛土。億有十萬。百萬。千萬。萬萬。靈峯。滿益。大師。所註之阿彌陀經。此億應作一千萬。計數。有世界名
曰極樂。其土有佛。號阿彌陀。今現在說法。合四大部洲爲一四天下。百億四天下。乃
爲一佛土。印度與此震旦同一南贍部洲。人皆可到。以此例比。相去天壤。學者謂印
度卽西方淨土。何其謬耶。新學又疑西方既不能到。不可遽信。按歐洲天文學家。測
天空各恆星皆爲日。亦有無數星球繞日而行。但因太遠不能盡見。太空星球。尙在

佛法欲界天中。彼之光學鏡。已稱遠不能見。又何能照見二十八天以外之西方乎。是光學鏡之所能窺測者。不過大海之一滴耳。勿執死理。妄測如來覺海。當起正信。求生彌陀國中。

一念直通蓮邦

西方離此十萬億佛土。人疑往生爲難。誠屬不解性理。喻如吾人有一至親好友。旅居江南。海北。只要此心慕戀懇切。夜間忽夢身到彼處。與伊晤面暢談。並不覺得家有門欄柵閉。及爲大江大河所阻。待夢醒來。方知此身仍臥牀上。人以念淫。夜夢女色。念邪。夜夢不祥。念惡。化爲地獄。念善。化爲天堂。念瞋。常夢烟火驚怖。念佛。常夢佛菩薩放光。莫畏淨土路遠。臨終但能淨念現前。立刻就到西方。與此生夢往江南。海北。山河無阻之理。實同也。况有佛來接引。往生自必愈速。能修念佛觀想。寂光真境現前。如唐法照。初於粥鉢中。見大聖竹林寺。後至五臺。善財引入金地寶樹。以爲莊嚴。文殊普賢。據師子座。萬衆圍繞。而爲說法。同舒金臂。摩照頂曰。汝以念佛故。不久

得證無上菩提。又同衆詣金剛窟。禮三十五佛名。照禮才十徧。忽見廣大莊嚴。淨琉璃宮殿。文殊普賢俱在其中。復獨詣窟。佛陀波利引入般若寺。異寶莊嚴。光明閃爍。照於是篤志念佛。日夜無曠。見佛陀波利謂曰。汝華已就三年開矣。至期別衆而逝。照開五會念佛道場。故稱五會法師。出淨土聖賢錄名儒袁中道。一夕入定。神遊淨土。親見化佛樓臺。七寶池中。五色蓮花。香豔異常。萬曆四十二年十月望日。中道自爲之記。出居士傳生前念佛觀像。多有神往淨土者。以其願與佛合。感應道交。佛攝行者靈性。先往觀看。示知沒後。捨此生彼。定不相賺也。

懇切持名

居恆禮佛。蒲團宜低。高則腰腿不灣。卽少誠敬。佛法真實利益。全在恭敬中求。若十分恭敬禮佛。無由感通。退一步言。吾人有事請客。預先出帖相約。家中灑掃潔淨。然後客到安坐。仍要鞠躬行禮。事務應酬。何關重要。尙須如此示敬。况求佛提之出世。直超諸天乎。嘗聞念佛未有多日。忽見白光。此不必喜。當念吾身罪業多端。未能

因此淺工。卽感如來放光照我。若心生歡喜。便有無形現出驕傲退惰之態。設是妖光。一生歡喜。卽著外魔。凡遇此境現前。宜發勇猛精進心。慚愧畏懼心。此爲自勵修持之法。倘於課誦時。念不歸一口。不勤漱。以至斜身搖足。放屁嬉笑。種種不敬。雖能念佛。難出生死。

魔光有影。照耀眼睛。心不自在。佛光無影。照觸清涼。身心安泰。澄渟清淨。卽真解脫。

防止手淫

青年男子。未婚以前。情慾感動。往往難制。乃以手泄精。遂成手淫之害。其發現之病狀。腦髓虧乏。記性減少。耳鳴頭痛。目光變短。面色黃瘦。口吐白痰。日見女人。夜有夢淫。漏精之患。或一見美女。精卽便洩。或精欲泄時。心知傷身。不使泄出。致精蟲死腐。釀成睪丸病。或有精液之漏泄。而成滑精症。手淫日久。食不消化。睡不能眠。心跳乾咳。此種乾咳。最易誤認爲肺癆病。腰痠腳痛。陽痿不舉。終日昏昏。如在五里霧中。血液衰減。胸部充